



Dinas a Sir Abertawe

Polisi Parcio i Breswylwyr - Cymeradwywyd gan y Cabinet ar 5 Gorffennaf 2012

1. Diben

- 1.1 Bwriad cynlluniau parcio i breswylwyr yn unig yw cadw rhan o'r ffordd ar gyfer preswylwyr a'u hymwelwyr yn unig, pan fydd argaeledd parcio ar y stryd wedi'i gyfyngu gan y rhai nad ydynt yn breswylwyr sy'n dymuno parcio ar y stryd.
- 1.2 Nid yw cynlluniau parcio i breswylwyr yn unig yn effeithiol, ac ni chânt eu cyflwyno, pan fo'r galw allanol yn isel ond cânt eu cyflwyno pan fydd nifer y preswylwyr sy'n berchen ar geir yn fwy na nifer y lleoedd parcio. Mae cynlluniau parcio i breswylwyr yn helpu i reoli lleoedd parcio prin - nid ydynt yn creu lleoedd parcio ychwanegol ac nid ydynt yn gwarantu lle y tu allan i eiddo unrhyw breswilydd.

2. Meini prawf asesu

- 2.1 Ni chaiff strydoedd lle gofynnir am gyfleusterau parcio i breswylwyr eu harolygu i bennu a ydynt yn bodloni'r meini prawf isod, **oni bod arian ar gael i roi'r mesurau ar waith os yw'r stryd yn gymwys**. Cedwir cofnod o'r ceisiadau ar gyfer cynlluniau Parcio i Breswylwyr i'w hasesu a'u hystyried unwaith y bydd arian ar gael.

3. Meini prawf cyflwyno

- 3.1 Gall y cyngor gyflwyno cynllun Parcio i Breswylwyr ar yr amod y bodlonir yr amodau canlynol:
- 3.2 Bod mwy na 75% o'r ardaloedd parcio'n llawn yn y stryd neu'r ardal yn rheolaidd am o leiaf pedwar achlysur, yn ystod y dydd neu gyda'r nos, bob wythnos. (Os nad yw'r stryd yn cyrraedd y lefel uchel hon ond mae'n mynd y tu hwnt i 60%, yna efallai y cyflwynir cynllun "Aros Cyfyngedig, ac eithrio Deiliaid Trwyddedau Preswylwyr.)
- 3.3 Ceir tystiolaeth o lefelau sylweddol o barcio ar y stryd gan bobl nad ydynt yn breswylwyr.

- 3.4 Nid oes gan y mwyafrif o eiddo fannau parcio oddi ar y stryd o fewn pellter rhesymol o'r eiddo.
- 3.5 Nid oes gan y mwyafrif o eiddo ffordd o greu mynediad cerbydau i'r eiddo (gan gynnwys amgylchiadau lle mae cais/ceisiadau am fan/fannau croesi wedi'i wrthod/wedi'u gwrthod) ac nid oes ffordd o ddarparu cyfleusterau parcio o fewn ffiniau'r eiddo.
- 3.6 Gellir parcio heb gael effaith annerbyniol ar lif cyffredinol traffig a bysus.
- 3.7 Mae arian ar gael i hysbysebu'r mesurau a'u rhoi ar waith.

4. Darpariaeth

- 4.1 Ni ddylai dyraniad y manau parcio i breswylwyr fod yn fwy na 50% o'r lleoedd parcio. Pan fydd rhwng 60% a 75% o'r manau parcio yn cael eu defnyddio, efallai y darperir lleoedd aros cyfyngedig gydag eithriad i ddeiliaid trwyddedau preswylwyr. Ystyrir y ddarpariaeth ar stryd fesul achos mewn ymdrech i ddiwallu anghenion preswylwyr ac ymwelwyr.
- 4.2 Gellir cyflwyno uchafswm o ddwy drwydded fesul aelwyd, y bydd pob un ohonynt yn cynnwys rhif cofrestru'r car. Bydd pob trwydded yn ddilys am flwyddyn ar y mwyaf.
- 4.3 Gellir prynu trwydded newydd os ydych wedi colli trwydded, ei bod wedi'i dwyn neu wedi'i difetha am £25 fesul trwydded.

5. Meini prawf cyflwyno trwydded

- 5.1 Rhoddir trwyddedau i breswylwyr dilys amser llawn y stryd sy'n berchen ar gar. Bydd ymgeisydd yn breswylwr amser llawn os yw'r enw priodol a'r cyfeiriad yn Abertawe yn ymddangos ar y ddogfen V5 (cofrestru cerbyd) a **naill ai** ei drwydded yrru **neu** fil cyfleustod a bod ei enw hefyd yn ymddangos ar Gofrestr Etholiadol Abertawe.
- 5.2 Mae'r un meini prawf (fel yn 5.1) uchod) yn berthnasol i ddinasyddion tramor.
- 5.3 Rhoddir trwydded ar gyfer cerbyd nwyddau ag uchafswm pwysau gros (mgw) heb fod yn fwy na 3500kg, os bydd y perchennog yn rhoi cadarnhad ysgrifenedig gan y cyflogwr, o ddefnydd awdurdodedig y tu allan i oriau (e.e. trefniadau modd segur) ac nid yw'r cerbyd yn fwy na 2.35m o uchder a 5.35 metr o hyd.
- 5.4 Bydd defnyddwyr ceir cwmni yn gymwys am drwydded parcio i breswylwyr yn unig os yw eu cyflogwr yn cadarnhau'n ysgrifenedig bod y cerbyd yn hanfodol ar gyfer eu gwaith a bod yn rhaid iddynt fynd â'r cerbyd gartref gyda hwy.

- 5.5 Lle mae person anabl yn berchen ar gerbyd ond nid yw'n gallu gyrru ac felly'n defnyddio gyrrwr enwebedig, rhoddir trwydded i'r gyrrwr enwebedig ar gyfer cyfeiriad y gyrrwr enwebedig. I gymhwyso, mae angen llythyr awdurdodiad ar y cyngor gan y person anabl (ceidwad cofrestredig) a chopi o'r dogfennau perchnogaeth/gwerthu gan y cwmni Motability'n cadarnhau lle cedwir y cerbyd.
- 5.6 Ni roddir trwyddedau i gyfadeiladau preswyl â lleoedd parcio preifat ar gyfer lleoedd parcio i breswylwyr yn unig ar y stryd.
- 5.7 Caiff tai a newidiwyd yn fwy nag un uned (e.e. tŷ wedi'i rannu'n fflatiau) ar ôl 1 Ionawr 2011 eu trin fel uned sengl - h.y. uchafswm o ddwy drwydded am y tŷ cyfan neu'r cyntaf i'r felin. Rhoddir trwyddedau'n unig lle na ddarperir parcio oddi ar y stryd neu nid oes modd ei gyflwyno.
- 5.8 Efallai y caiff preswylwyr mewn eiddo nad oes ganddynt gyfleusterau parcio oddi ar y stryd ac sy'n cael eu hatal rhag parcio y tu allan i'w heidio oherwydd ei fod wrth gyffordd a reolir gan oleuadau traffig, neu wrth gylchfan a bod Gorchymyn Traffig yn atal parcio, dderbyn trwydded ar gyfer stryd gyferbyn lle darperir parcio i breswylwyr, cyhyd â bod digon o le yn y lleoedd parcio hynny i breswylwyr.

6. Trwyddedau perthnasol eraill

- 6.1 Trwyddedau i Ymwelwyr Gwyliau - gallwn roi trwydded wyliau pythefnos i ymwelwyr sy'n byw y tu allan i Ddinas a Sir Abertawe, gan gynnwys perchnogion ail gartrefi yn Abertawe. Rhaid i ddeiliad neu berchennog yr eiddo yn Abertawe neu'r person yr ymwelir ag ef lofnodi ffurflen gais. Bydd uchafswm o bedair trwydded y flwyddyn ar gael; am bythefnos fesul trwydded, gydag uchafswm o ddwy drwydded ar yr un pryd. Dim ond un drwydded a roddir i un cyfeiriad ar y tro.
- 6.2 Gall cwmnïau gwyliau sy'n rhenti eiddo gyflwyno cais am drwyddedau gwyliau i gwsmeriaid am £25 yr wythnos wrth dderbyn cais ysgrifenedig. Ni roddir gostyngiad am arosiadau sy'n llai nag wythnos.
- 6.3 Trwydded Ymwelydd Teuluol - rhoddir trwydded ymwelydd teuluol i'w defnyddio gan berthnasau dynodedig preswlydd y mae angen lefelau sylweddol o ofal a chefnogaeth arnynt, **os nad oes mwy nag un drwydded preswylwyr yn unig wedi'i chyflwyno ar gyfer yr eiddo.** Gellir arddangos uchafswm o ddau rif cofrestru ar y drwydded. Bydd y trwyddedau hyn yn ddilys am 12 mis o'r dyddiad cyflwyno.
- 6.3.1 Mae angen cadarnhad gan feddyg o'r angen am y drwydded wrth gyflwyno cais neu adnewyddu. Fodd bynnag, lle mae'r meddyg yn bwriadu codi tâl am y gwasanaeth hwn, yna ystyrir bathodyn glas fel tystiolaeth gefnogol ddilys arall yn lle cadarnhad gan y meddyg o anabledd yr ymgeisydd.

6.4 Trwyddedau Cynorthwywyr Gofal - rhoddir y trwyddedau hyn i sefydliadau/cwmnïau sy'n darparu gofal, wrth dderbyn ffurflen gais wedi'i llofnodi. Rhaid i'r ymgeisydd gadarnhau mai'r gofalwr yw'r prif berson sy'n trin anghenion corfforol y preswilydd. Bydd y drwydded hon yn ddilys am flwyddyn o ddyddiad ei chyflwyno a bydd yn £25 y flwyddyn.

7. Ffioedd

7.1 Mae'r ffioedd yn y polisi hwn yn destun adolygiad blynyddol.